

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), člana 2. stav (1) Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12), člana 31. stav 1. Zakona o državnoj službi u Federaciji Bosne i Hercegovine („Službene novine FBiH“, broj: 29/2003, 23/2004, 39/2004, 54/2004, 67/2005, 8/2006, 77/2006 - odluka US, 34/2010 - odluka US, 45/2010 - dr. zakon, 4/2012, 99/2015 i 9/2017 - odluka US), člana 18. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 13/19) i Mišljenja Agencije za državnu službu Federacije Bosne i Hercegovine, broj: 09-30-8-94-36/24 od 10.02.2025. godine, na prijedlog premijera Zeničko-dobojskog kantona, Vlada Zeničko-dobojskog kantona, na 67. sjednici, održanoj 14.02.2025. godine, d o n o s i

R J E Š E N J E

o postavljenju rukovodećeg državnog službenika

Član 1.

Fejzić Dževad, diplomirani politolog, postavlja se na radno mjesto „**Sekretar Ureda za borbu protiv korupcije Zeničko-dobojskog kantona**“, u Uredu za borbu protiv korupcije Zeničko-dobojskog kantona, za koje je određen II (drugi) platni razred - rukovodilac ureda, stručne i druge službe koji obrazuje Skupština i Vlada Kantona.

Član 2.

Imenovani preuzima dužnost polaganjem i potpisivanjem zakletve vjernosti po obavijesti Agencije za državnu službu Federacije Bosne i Hercegovine da je konkursna procedura okončana i da može početi sa radom, odnosno po konačnosti ovog rješenja kada će se posebnim rješenjem regulisati sva prava i obaveze imenovanog iz radnog odnosa.

Obrazloženje

Na osnovu člana 24. Zakona o državnoj službi u Federaciji Bosne i Hercegovine, Pravilnika o unutrašnjoj organizaciji i sistematizaciji radnih mjesta Ureda za borbu protiv korupcije Zeničko-dobojskog kantona i Odluke Komisije za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima/ustanovama u kojima se plaće i druge naknade zaposlenih u cjelosti ili djelimično finansiraju iz Budžeta Zeničko-dobojskog kantona, broj: 02-30-6660-2/24 od 03.04.2024. godine, na osnovu Zahtjeva za oglašavanje javnog konkursa za popunu radnog mjesta „Sekretar Ureda za borbu protiv korupcije Zeničko-dobojskog kantona“, broj: 02-30-17592/24 od 21.10.2024. godine, Agencija za državnu službu Federacije Bosne i Hercegovine raspisala je javni konkurs za popunu radnog mjesta „Sekretar Ureda za borbu protiv korupcije Zeničko-dobojskog kantona“ u Uredu za borbu protiv korupcije Zeničko-dobojskog kantona.

Nakon okončane konkursne procedure za popunu upražnjenog radnog mjesta rukovodećeg državnog službenika u Uredu za borbu protiv korupcije Zeničko-dobojskog kantona, na osnovu dostavljene Liste uspješnih kandidata od strane Agencije za državnu službu Federacije Bosne i Hercegovine, premijer Zeničko-dobojskog kantona je Zahtjevom 02-30-17592-9/24 od 05.02.2025. godine zatražio mišljenje o postavljenju i to Fejzić Dževada, diplomiranog politologa na radno mjesto „Sekretar Ureda za borbu protiv korupcije Zeničko-dobojskog kantona“ – 1 (jedan) izvršilac, kao prvorangiranog kandidata nakon provedenog javnog konkursa za navedeno radno mjesto.

Dana 12.02.2024. godine Ured premijera je zaprimio Mišljenje o postavljenju rukovodćeg državnog službenika od Agencije za državnu službu Federacije Bosne i Hercegovine, broj: 09-30-8-94-36/24 od 10.02.2025. godine, o ispunjenosti uslova za postavljenje rukovodećeg državnog službenika u Uredu za borbu protiv korupcije Zeničko-dobojskog kantona i to Fejzić Dževada, diplomiranog politologa, na radno mjesto "Sekretar Ureda za borbu protiv korupcije Zeničko-dobojskog kantona", čime su se stekli uslovi da se, shodno članu 31. stav 1. Zakona o državnoj službi u Federaciji Bosne i Hercegovine, izvrši postavljenje imenovanog na radno mjesto navedeno u dispozitivu ovog rješenja.

Članom 31. stav 6. Zakona o državnoj službi u Federaciji Bosne i Hercegovine, propisano je da postavljeni rukovodeći državni službenik preuzima dužnost polaganjem zakletve vjernosti pred rukovodiocem organa državne službe.

Uvidom u Listu uspješnih kandidata nakon provedenog **Javnog konkursa** za popunu radnog mjesta državnog službenika „**Sekretar Ureda za borbu protiv korupcije Zeničko-dobojskog kantona**“ – 1 (jedan) izvršilac u **Uredu za borbu protiv korupcije Zeničko-dobojskog kantona**, broj: 09-30-8-94-31/24 od 21.01.2025. godine Fejzić Dževad je ostvario **96,43 %** bodova, te je time prvorangirani kandidat na listi uspješnih kandidata, u odnosu na kandidate:

- Avdić Selmir ostvario je **95, 83 %** bodova;
- Botić Izudin ostvario je **91, 01 %** bodova;
- Smailbegović-Đuherić Azra ostvarila je **89, 94 %** boda.

Uvidom u priloženu dokumentaciju kandidata Fejzić Dževada dostavljeno je: Uvjerenje broj: 07/38-45/3-01-6136/24 od 23.12.2024. godine na osnovu podataka iz službenih evidencija Grupe za pitanja evidencija iz oblasti vojne obaveze za područje Grada Visoko u kojem se potvrđuje da je Fejzić Muamer (otac imenovanog) proveo u statusu pripadnika OS R BiH u periodu od 22.12.1992.godine do 22.04.1996.godine, kao i Izjavu ovjerenju kod nadležnog organa Gradska uprava Visoko broj: 32456 od 20.12.2024.godine kao dokaz da nije koristio pravo u ranijem radnom odnosu zasnovano na uvjerenju o pripadnosti boračkoj populaciji i koji nije koristio dopunsko pravo boraca.

Uvidom u priloge kandidatkinje Smailbegović-Đuherić Azre dostavljeno je: Uvjerenje o plaćama pripadnika oružanih snaga Republike Bosne i Hercegovine ev.dr. 493047514437 od 20.07.1996.godine ovjereno kod Notara Dilber Elze iz Zenice broj: 14896/2024 od 20.12.2024.godine kao i Uvjerenje broj: 07/14-45/3-2-6235/24 od 20.11.2024.godine na osnovu podataka iz službenih evidencija Grupe za pitanja evidencija iz oblasti vojne obaveze za područje Grada Zenice kojim se potvrđuje da je imenovana provela u statusu pripadnika OS R BiH u periodu od 12.01.1993.godine do 22.04.1996.godine.

Član 14. stav 1 (Zakon o pravima demobilisanih branilaca i članova njihovih porodica ("Sl. novine FBiH", br. 54/2019, 29/2022, 81/2023 i 60/2024) propisuje da nezaposlena lica iz čl. 2 i 3. ovog zakona mogu ostvariti pravo na prednost prilikom zapošljavanja, dok stav (2) propisuje da federalni, kantonalni, gradski organi i općinske službe za upravu i upravne organizacije, javne ustanove i javna preduzeća čiji su osnivači Federacija Bosne i Hercegovine (u daljnjem tekstu: Federacija), kanton, grad ili općina, dužni su prilikom prijema u radni odnos osigurati prednost licima iz člana 2. ovog zakona.

Zakon o dopunskim pravima branilaca i članova njihovih porodica ZDK ("Sl. novine Zeničko-dobojskog kantona", br. 15/2024), Član 64. propisuje da početkom primjene ovog Zakona prestaje važiti Zakon o dopunskim pravima branilaca i članova njihovih porodica („Službene novine Zeničko-dobojskog kantona“, broj: 1/14).

Član 62. ovog Zakona propisuje da svi slučajevi, odnosno postupci koji do dana primjene ovog Zakona nisu pravosnažno okončani završit će se po odredbama propisa koji je bio na snazi u vrijeme pokretanja postupka.

Imajući u vidu da je postupak provođenja Javnog konkursa za popunu radnog mjesta rukovodećeg državnog službenika u Uredu za borbu protiv korupcije Zeničko-dobojskog kantona otpočeo prije primjene Zakona o dopunskim pravima branilaca i članova njihovih porodica ZDK ("Sl. novine Zeničko-dobojskog kantona", br. 15/2024) to u ovom postupku imaju se primjeniti odredbe Zakona o dopunskim pravima branilaca i članova njihovih porodica („Službene novine Zeničko-dobojskog kantona“, broj: 1/14) i to član 15. koji je bio na snazi u vrijeme pokretanja postupka Javnog konkursa, a koji propisuje da ratni vojni invalid, demobilizirani branilac i član porodice šehida, poginulog, umrlog, nestalog branioca koji je na evidenciji Službe za zapošljavanje Kantona, ostvaruje

pravo na prednost pri zapošljavanju, pod jednakim uvjetima i u skladu sa propisima iz oblasti radnog zakonodavstva te da ovo pravo ne može ostvariti lice kojem je radni odnos, zasnovan po osnovu ranije ostvarene prednosti pri zapošljavanju, prestao njegovom krivicom ili je po prestanku radnog odnosa ostvario pravo na otpremninu.

U konkretnom slučaju obaveza je primjeniti odredbe iz Zakona o dopunskim pravima branilaca i članova njihovih porodica ZDK ("Sl. novine Zeničko-dobojskog kantona", br. 1/14). S tim u vezi rukovodilac organa je cijenio Uvjerenje o plaćama pripadnika oružanih snaga Republike Bosne i Hercegovine ev.dr. 493047514437 od 20.07.1996.godine ovjereno kod Notara Dilber Elze iz Zenice broj: 14896/2024 od 20.12.2024.godine kao i Uvjerenje broj: 07/14-45/3-2-6235/24 od 20.11.2024.godine na osnovu podataka iz službenih evidencija Grupe za pitanja evidencija iz oblasti vojne obaveze za područje Grada Zenice kojim se potvrđuje da je imenovana provela u statusu pripadnika OS R BiH u periodu od 12.01.1993.godine do 22.04.1996.godine koje je dostavila kandidatkinja Smailbegović-Đuherić Azre, te je utvrđeno da ista nije dostavila sve dokaze koji se traže odredbo član 15. ovog Zakona, dok je također vidljivo iz Prijavnog obrasca za Javnu konkurs da je ista zaposlena u Uredu za borbu protiv korupcije, a pravo ostvarivanja prednosti na zapošljavanje ima lice koje je na evidenciji Službe za zapošljavanje Kantona.

Rukovodilac se odlučio za kandidata **Fejzić Dževada** jer je imenovani ujedno bio prvorangirani kandidat, dok je kandidatkinja koja se nalazi na listi uspješnih kandidata dostavila Uvjerenje koji potvrđuje učešće u OS R BiH **bez** izjave da li je imenovana ovo pravo ranije koristila.

Uzimajući u obzir da se na listi uspješnih kandidata nalaze još tri kandidata, ono čime se rukovodilac rukovodio prilikom izbora uspješnog kandidata, pored toga što je prvorangiran na Listi uspješnih kandidata, je da izabrani kandidat ima sve potrebne kvalifikacije i kompetencije za radno mjesto koje se traži konkursnom procedurom, dovoljno stručnog radnog iskustva, jer je dugi niz godina obašao funkciju Sekretara Ureda za borbu protiv korupcije Zeničko-dobojskog kantona po ovlaštenju Vlade. Iz navedenog razloga opredjeljenje da zaposlenjem izabrani kandidat može donijeti novi i dodatni kvalitet u procesu rada i odlučivanja u Uredu za borbu protiv korupcije Zeničko-dobojskog kantona.

Cijeneći ostvarene rezultate na stručnom ispitu, dosadašnje radno iskustvo i kvalifikacije **opredjeljenje se smatra opravdanim** za obavljanje poslova navedenog radnog mjesta.

Platni razred za navedeno radno mjesto utvrđen je u skladu sa članom 20. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/2018, 10/2019, 11/2019 - ispr., 8/2022, 4/2024 i 10/2024).

Na osnovu navedenog, rješeno je kao u dispozitivu ovog rješenja.

Pouka o pravnom lijeku: Protiv ovog rješenja, može se izjaviti žalba Odboru državne službe za žalbe Federacije Bosne i Hercegovine, u roku od 15 (petnaest) dana od dana.

Broj: 02-_____/25
Datum, 14.02.2025. godine
Zenica

PREMIJER

Nezir Pivić

DOSTAVLJENO:

1x Ured premijera,
1x Ured za borbu protiv korupcije
Zeničko-dobojskog kantona
1x Imenovanom, putem Ureda premijera
1x Agencija za državnu službu FBiH, putem Ureda premijera
1x Personalni dosije,
1x Oglasna ploča,
1x a/a.